

14. nóvember 1977.

193

Nr. 59.

AUGLÝSING

um staðfestingu forseta Íslands á breytingu á reglugerð fyrir Háskóla Íslands,
nr. 76/1958, með áorðnum breytingum.

Forseti Íslands féllst hinn 1. nóvember 1977 á tillögu menntamálaráðherra um að staðfesta eftirfarandi breytingu á reglugerð nr. 76 17. júní 1958, fyrir Háskóla Íslands með áorðnum breytingum.

1. gr.

44. gr. orðist svo:

Kennsla í lyfjafræði lyfsala.

a. Inntökuskilyrði.

Þeir stúdentar, sem lokið hafa fullnaðarprófi við stærðfræði-, eðlisfræði- eða náttúrufræðideild í íslenskum skóla, sem hefur heimild til þess að brautskrá stúdenta, hafa aðgang að námi í lyfjafræði lyfsala. Deildin getur þó sett lágmarkseinkunnir í einstökum greinum sem skilyrði inntöku. Enn fremur getur deildin takmarkað fjölda stúdenta, sem veittur er aðgangur að deildinni hverju sinni.

b. Kennslugreinar og kennsluhættir.

1. Námsstími og kennsluhættir.

Nám í lyfjafræði lyfsala við Háskóla Íslands miðast við þrjú kennsluár (6. misseri). Próf eru að jafnaði haldin í lok hvers námskeiðs.

2. Kennslugreinar.

Á 1. misseri skal kenna: Lyfjagerðarfræði, bóklega og verklega, almenna efnafræði I, bóklega og verklega, efnagreiningu I, bóklega og verklega.

Á 2. misseri skal kenna: Lyfjagerðarfræði, bóklega og verklega, lífræna efnafræði og lífefnafræði I, bóklega og verklega, lyfjalöggjöf, verðlagningu lyfja, latínu.

Á 3. misseri skal kenna: Lyfjagerðarfræði, bóklega og verklega, sérhæfða lyfjafræði, lífræna efnafræði, bóklega og verklega, lyflýsingafræði, grasafræði.

Á 4. misseri skal kenna: Stærðfræði, tölfræði, gagnafraði, eðlisfræði, lyflýsingafræði, grasafræði, lífræna efnafræði, bóklega og verklega.

Á 5. misseri skal kenna: Lyfjaefnafræði, rekstrarfræði lyfjabúða, lífefnafræði, bóklega og verklega, efnagreiningartækni, verklega.

Á 6. misseri skal kenna: Lyfjaefnafræði, rekstrarfræði lyfjabúða, lífefnafræði, bóklega og verklega, efnagreiningartækni, bóklega og verklega.

A 25

c. Verklegt nám.

Um verklegt nám utan Háskólans að loknu námi þar fer eftir reglum og samningi á milli Háskóla Íslands, Apótekarafélags Íslands og Lyfjafræðingafélags Íslands. Sá, sem lokið hefur verklegu námi samkvæmt ofansögðu, getur sótt um leyfi til þess að mega kalla sig lyfjafræðing, sbr. 14. gr. lyfsölulaga eða aðstoðarlyfjafræðing, sbr. 15. gr. sömu laga.

2. gr.

45. gr. orðist svo:

Próf í lyfjafræði lyfsala.

a. Prófgreinar og tilhögun prófs.

Prófgreinar í lyfjafræði lyfsala og gildi einkunnna í hverri grein, eru sem hér segir:

Próf í lok 1. misseris:

Skriflegt: Almenn efnafræði I og efnagreining I: einföld einkunn.

Verklegt: Almenn efnafræði I og efnagreining I.

Próf í lok 2. misseris:

Skriflegt: Lyfjagerðarfræði: tvöföld einkunn, lífræn efnafræði og lífefnafræði I: einföld einkunn. Lyfjalöggjöf, verðlagning lyfja og latína: einföld einkunn.

Verklegt: Galensk lyfjagerð: tvöföld einkunn, lífræn efnafræði og lífefnafræði I.

Próf í lok 3. misseris:

Skriflegt: Lyfjagerðarfræði: einföld einkunn, sérhæfð lyfjafræði: einföld einkunn.

Verklegt: Galensk lyfjagerð: einföld einkunn.

Próf í lok 4. misseris:

Skriflegt: Lyflýsingafræði: einföld einkunn, grasafræði: einföld einkunn, lífræn efnafræði: einföld einkunn. Í stærðfræði, tölfræði, gagnafræði og eðlisfræði skulu greinakennarar gefa út skriflega viðurkenningu um, að stúdent hafi náð tilskilinni leikni.

Verglegt: Lífræn efnafræði.

Próf í námunda við 15. ágúst (fyrri hluta próf):

Verklegt: Plöntugreining. Greinarkennari skal gefa út skriflega viðurkenningu um, að stúdent hafi náð tilskilinni leikni.

Próf í lok 5. misseris:

Efnagreiningartækni, verkleg: einföld einkunn.

Próf í lok 6. misseris (aðstoðarlyfjafræðingspróf):

Skriflegt: Lyfjaefnafræði: tvöföld einkunn, rekstrarfræði lyfjabúða: einföld einkunn, lífefnafræði: tvöföld einkunn.

Verklegt: Lífefnafræði: einföld einkunn, efnagreiningartækni, bókleg og verkleg: einföld einkunn.

Aður en stúdent segir sig til prófs í lok 2. kennslumisseries, skal hann leggja fram vottorð frá kennurum um, að hann hafi sýnt viðhlítandi ástundun við námið

og lokið tilbúningi eigi færri en 15 galenskra samsetninga, sem greindar eru á verk-efnalista þeim, sem afhentur er í upphafi 1. misseris. Þá er stúdent segir sig til annarra prófa, skal hann hafa staðist próf í lok 2. misseris og öll undangengin próf og leggja fram vottorð frá kennurum um, að hann hafi sýnt viðhlítandi ástund-un við námið.

Einkunn í verklegri galenskri lyfjagerð skal miða að hálfu við skýrslur stúdenta yfir námstímann og að hálfu við frammistöðu á prófinu sjálfu.

Nú stenst stúdent eigi eitthvert próf og er honum þá heimilt að þreyta það aftur eftir þeim prófreglum, er gilda fyrir hverja grein.

Ekkert próf má þreyta oftari en tvisvar, sbr. þó 61. gr. 1. mgr. i.f., og aðstoðar-lyfjafræðingspróf skal lokið eigi síðar en sex árum eftir að stúdent var skráður í deildina. Undanþágu má þó veita frá greindu tímamarki, ef stúdent hefur verið veikur, enda sé það staðfest af lækni Háskólans.

Ekki er Háskólanum skylt að annast kennslu á 3. námsári, nema 3 stúdentar hið fæsta skrái sig til náms.

b. Einkunnastigi og ákvæði um lágmarkseinkunn.

Við ákvörðun á einkunn skal nota tug einkunnakerfi, sbr. 57. gr. C, um próf í verkfræði- og raunvísindadeild. Við einkunnagjöf skal jafnframt stuðst við úrlausnir æfingaverkefna, sem stúdent hefur leyst á námstímanum. Einkunnir skriflegra prófa skulu gefnar í heilum og hálfum tölum, en einkunnir verklegra prófa í heilum tölum.

Til þess að standast próf verður stúdent að hafa fengið a. m. k. 5,5 í hverri af þessum greinum: galenskri lyfjagerð og efnagreiningartækni og ekki minna en a. m. k. 6,0 að meðaltali á hverju námsári fyrir sig.

3. gr.

IX. kafli 50. gr. orðist svo:

IX. Sérákvæði um kjörsvið í endurskoðun.

Viðskiptadeild skal standa fyrir sérstöku kjörsviði um endurskoðun er komi í framhaldi af fyrirtækjakjarna.

Kennslugreinar í endurskoðunarkjörsviði eru:

- 5.5 Reikningshald IV.
 - 5.6 Endurskoðun I.
 - 6.7 Endurskoðun II.
 - 6.8 Skattaréttur og skattskil II.
 - 6.9 Fjármuna- og félagaréttur (Lögfræði II).
- Ein frjáls kjörgrein.

Reikningshald IV er metin 6 námseiningar. Allar aðrar greinar eru metnar 3 námseiningar. Stúdent, sem velur þetta kjörsvið er skylt að þreyta próf í öllum ofantöldum námsgreinum og einni kjörgrein. Kemur þetta kjörsviðsnám í stað kjörsviða og frjálsra kjörgreina hjá þeim stúdentum, sem velja annað kjörsvið.

Öll ákvæði annarra kafla þessarar greinar reglugerðarinnar gilda um kjörsviðsnám í endurskoðun eftir því sem við getur átt. Jafnframt skal öllum stúdentum í viðskiptadeild heimilt að velja sér sem frjálsar kjörgreinar þær ofantalinna námsgreina, sem eru taldar upp í I. kafla þessarar greinar.

4. gr.

Reglugerðarbreyting þessi öðlast þegar gildi.

Í menntamálaráðuneytinu, 14. nóvember 1977.

Vilhjálmur Hjálmarsson.

Birgir Thorlacius.

L Ö G

um breyting á lögum nr. 94 20. maí 1976 um skráningu og mat fasteigna.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Við lögin bætist nýtt ákvæði til bráðabirgða, sem orðist svo:

Þrátt fyrir lokamálsgrein 26. gr. laganna skal breyting á skráðu matsverði fasteigna í fasteignaskrá á árinu 1977 taka gildi frá og með 31. desember 1977. Skal matsverðið þannig breytt talið fasteignamatsverð til 1. desember 1978 nema sérstakt endurmat komi til.

2. gr.

Lög þessi öðlast þegar gildi.

Gjört að Bessastöðum 30. nóvember 1977.

Kristján Eldjárn.

(L. S.)

Matthías Á. Mathiesen.